

1969 nr. 73 28. maí**Lög um Stjórnarráð Íslands**

Tóku gildi 1. janúar 1970. *Breytt með* 1. 12/1986 (tóku gildi 1. jan. 1987), 1. 3/1990 (tóku gildi 23. febr. 1990), 1. 14/1991 (tóku gildi 4. apríl 1991), 1. 83/1997 (tóku gildi 6. júní 1997), 1. 121/1999 (tóku gildi 30. des. 1999), 1. 109/2007 (tóku gildi 28. júní 2007 nema a–e-liður 1. gr. og 2. gr. sem tóku gildi 1. jan. 2008), 1. 167/2007 (tóku gildi 1. jan. 2008) og 1. 98/2009 (tóku gildi 1. okt. 2009 nema 69. og 70. gr. sem tóku gildi 1. jan. 2010).

I. kafli.

■ **1. gr.** Forseti lýðveldisins skipar ráðherra, ákveður tölu þeirra og skiptir störfum með þeim.

□ Ráðherrar fara með stjórnarmálefni í Stjórnarráði Íslands, sem hefur aðsetur í Reykjavík.

■ **2. gr.** Ráðherrafundi skal halda um nýmæli í lögum og um mikilvæg stjórnarmálefni. Svo skal og ráðherrafund halda, ef einhver ráðherra óskar að bera þar upp mál.

□ Málefni, sem bera á upp fyrir forseta lýðveldisins til staðfestingar, skulu áður tekin til meðferðar á ráðherrafundi.

□ Forsætisráðherra stjórnar ráðherrafundum.

■ **3. gr.** [Forsætisráðherra felur starfsmanni forsætisráðuneytis að gegna störfum ritara ráðherrafunda.]¹⁾

□ Ritari skráir fundargerð ráðherrafundar í gerðabók, er ráðherrar hafa staðfest fundargerðina.

¹⁾ L. 83/1997, 1. gr.

■ **4. gr.** Stjórnarráð Íslands greinist í ráðuneyti, og skulu þau vera þessi: Forsætisráðuneyti, [dómsmála- og mannréttindaráðuneyti, efnahags- og viðskiptaráðuneyti],¹⁾ [félags- og tryggingamálaráðuneyti],²⁾ fjármálaráðuneyti, ...²⁾ [heilbrigðisráðuneyti],²⁾ iðnaðarráðuneyti, ...²⁾ [mennta- og menningarmálaráðuneyti],¹⁾ [samgöngu- og sveitarstjórnarráðuneyti],¹⁾ [sjávarútvegs- og landbúnaðarráðuneyti],²⁾ [umhverfisráðuneyti]³⁾ [og utanríkisráðuneyti].¹⁾

□ Ráðuneyti má eigi á stofn setja né af leggja nema með lögum. [Þó er heimilt að sameina ráðuneyti með úrskurði forseta Íslands.]²⁾

¹⁾ L. 98/2009, 1. gr. ²⁾ L. 109/2007, 1. gr. ³⁾ L. 3/1990, 1. gr.

■ **5. gr.** Þegar skipt er störfum með ráðherrum, skal hvert ráðuneyti óskipt lagt til eins og sama ráðherra.

■ **6. gr.** ...¹⁾

¹⁾ L. 14/1991, 1. gr.

■ **7. gr.** [Ráðherra kveður á¹⁾ um skiptingu ráðuneytis í skrifstofur og starfsdeildir eftir verkefnum.]²⁾

¹⁾ Augl. 181/2007 (um skipulag menntamálaráðuneytisins). Augl. 811/2009 (um skipulag fjármálaráðuneytisins). ²⁾ L. 83/1997, 2. gr.

■ **8. gr.** Stjórnarmálefni ber undir ráðuneyti eftir ákvæðum reglugerðar,¹⁾ er forseti Íslands setur samkvæmt tillögum forsætisráðherra, enda sé þess jafnan gætt, að ráðuneyti lúti mállefni, sem eðli sínu samkvæmt eiga þar heima, sbr. 4. gr.

□ Nú þykir vafi á leika, undir hvert ráðuneyti málefni heyrir, og sker forsætisráðherra þá úr.

¹⁾ Rg. A 177/2007, sbr. rg. A 101/2009.

■ **9. gr.** Ráðuneyti hefur eftirlit með starfrækslu stofnana, sem undir það ber, og eignum á vegum þeirra stofnana.

□ [Ráðherra kveður á um aðsetur stofnunar sem undir hann heyrir, nema á annan veg sé mælt í lögum.]¹⁾

¹⁾ L. 121/1999, 1. gr.

II. kafli.

■ **10. gr.** Ráðuneytisstjórnar ...¹⁾ stýra ráðuneytum undir yfirstjórn ráðherra.

□ ...²⁾

□ Ráðuneytisstjóri forsætisráðuneytis skal jafnframt því embætti sínu gegna störfum ritara ríkisráðs Íslands.

□ Heimilt er forsætisráðherra að kveða á um, að ráðuneytisstjóri veiti fleiri en einu ráðuneyti forstöðu og að fleiri en eitt ráðuneyti hafi, eftir því sem við verður komið, sameiginlegt starfslið og húsnæði.

□ Slíka skipan sem í 5. mgr.³⁾ greinir getur forsætisráðherra afnumið, er nauðsyn krefur, og þá jafnframt ákveðið, hverju þeirra ráðuneyta, sem um er að tefla, ráðuneytisstjóri skuli áfram stýra.

¹⁾ L. 109/2007, 2. gr. ²⁾ L. 14/1991, 2. gr. ³⁾ Hér er vísað til 3. mgr.

■ **11. gr.** [Skrifstofu ráðuneytis stýrir skrifstofustjóri og starfsdeild deildarstjóri undir umsjón ráðuneytisstjóra.]¹⁾

□ ...¹⁾

□ [Nú er starfsmaður ráðuneytis ráðinn deildarstjóri og þarf þá eigi að auglýsa stöðuna sem hann er fluttur í.]¹⁾ [Sama á við ef starfsmanni, sem ráðinn er ótímabundið, sbr. 1. mgr. 41. gr. laga nr. 70/1996, um réttindi og skyldur starfsmanna ríkisins, er boðið annað starf innan Stjórnarráðsins. Í reglum, sem forsætisráðherra setur, skal mæla fyrir um tilhögun auglýsinga innan Stjórnarráðsins um laus störf og önnur atriði er varða framkvæmd þessa ákvæðis.]²⁾

□ Ráðherra setur deildarstjórum og skrifstofustjórum erindisbréf, þar sem meðal annars skal kveðið á um starfssvið þeirra og starfsskyldur.

¹⁾ L. 83/1997, 3. gr. ²⁾ L. 109/2007, 3. gr.

■ **12. gr.** Auk ráðuneytisstjóra, skrifstofustjóra og deildarstjóra eru starfsmenn ráðuneyta fulltrúar, bókarar og ritara eftir ákvörðun ráðherra. [Heimilt er þó ráðherra að ráða starfsmenn í ráðuneyti undir öðrum starfsheitum.]¹⁾

¹⁾ L. 83/1997, 4. gr.

■ **13. gr.** [Ráðherra skipar ráðuneytisstjóra og skrifstofustjóra til fimm ára í senn.

□ Aðrir starfsmenn ráðuneytis eru ráðnir.]¹⁾

¹⁾ L. 83/1997, 5. gr.

■ **14. gr.** Nú flytjast stjórnarmálefni milli ráðuneyta, sbr. 8. gr., og skal þá þjóða hlutaðeigandi starfsmönnum að sinna þeim áfram í því ráðuneyti er tekur við málefninu. Við flutninginn verða ekki breytingar á starfskjörum starfsmanna. Ákvæði 7. gr. laga nr. 70/1996, um réttindi og skyldur starfsmanna ríkisins, eiga ekki við um ráðstöfun starfa samkvæmt þessari grein.

□ [Nú flytjast stjórnarmálefni milli ráðuneyta, sbr. 8. gr., og skal þá ljúka meðferð ólokinnna stjórnsýslumála í því ráðuneyti sem við málefni tekur.]¹⁾²⁾

¹⁾ L. 167/2007, 92. gr. ²⁾ L. 109/2007, 4. gr.

■ **15. gr.**¹⁾ Ráðherra er heimilt að kveðja sér til aðstoðar, meðan hann gegnir embætti, mann utan ráðuneytis, sem starfi þar sem [skrifstofustjóri],²⁾ enda hverfi hann úr starfi jafnskjótt sem ráðherra, en njóti þá launa þrjá mánuði, hafi hann ekki áður verið ríkisstarfsmaður, en ella eigi hann rétt á að hverfa til fyrra starfs síns eða annars starfs eigi lakara að föstum launum í þjónustu ríkisins.

¹⁾ L. 109/2007, 4. gr. ²⁾ L. 83/1997, 6. gr.

■ **16. gr.**¹⁾ Með úrskurði forseta Íslands má samkvæmt tillögum forsætisráðherra setja nánari ákvæði um framkvæmd laga þessara.

¹⁾ L. 109/2007, 4. gr.

■ [Ákvæði til bráðabirgða. ...]¹⁾

¹⁾ L. 3/1990, brbákv.